

SYARAT-SYARAT AM

Tertakluk kepada apa-apa syarat khas yang ditetapkan dalam pelawaan ini, syarat-syarat am yang berikut hendaklah dipakai, melainkan setakat mana syarat-syarat am itu ditolak atau diubah dengan khususnya oleh penyebut harga.

1. KEADAAN BARANG

Semua barangan hendaklah tulen, baru dan belum digunakan.

2. HARGA

Harga yang ditawarkan hendaklah harga bersih termasuk semua diskaun dan kos tambahan yang berkaitan.

3. PERKHIDMATAN SETARA

Sebutharga boleh ditawarkan bagi perkhidmatan setara yang sesuai dengan syarat butir-butir penuh diberi.

4. PENYETUJUAN

UniKL tidak terikat untuk menerima sebut harga yang terendah atau mana-mana sebut harga

5. PEMERIKSAAN

5.1 UniKL adalah sentiasa berhak untuk mengetahui kedudukan penghantaran barang-barang itu oleh seseorang pegawai yang dilantik olehnya pada bila-bila masa sebelum dan selepas barangan ke destinasi terakhir.

5.2 Penyebutharga hendaklah memberi kerjasama dan kemudahan pemeriksaan apabila dikehendaki.

6. PERAKUAN MENYATAKAN PENENTUAN TELAH DIPATUHI

Penyebutharga dikehendaki memperakui bahawa barang-barang/perkhidmatan yang dibekalkan oleh mereka adalah mengikut penentuan atau piawaian (jika ada) yang dinyatakan di dalam pelawaan ini

7. PENOLAKAAN

7.1 Barang-barang yang rendah mutunya atau berlainan daripada barang-barang yang telah dipersetujui sebutharganya boleh ditolak.

7.2 Apabila diminta, penyebutharga hendaklah menyebabkan barang-barang yang ditolak itu dipindahkan kepada UniKL segala perbelanjaan yang telah dilakukan mengenai barang-barang yang ditolak.

7.3 Fasa kecil (7.1) dan (7.2) di atas tidaklah memudaratkan apa-apa hak UniKL untuk mendapatkan ganti rugi kerana kemungkiran kontrak.

8. PENGIKLANAN

Tiada apa-apa iklan mengenai persetujuan terhadap mana-mana sebutharga boleh disiarkan dalam mana-mana akhbar, majalah atau lain-lain saluran iklan tanpa kelulusan Ketua Pegawai Eksekutif UniKL terlebih dahulu.

9. TAFSIRAN

Sebutharga ini dan apa-apa kontrak yang timbul daripadanya hendaklah diertikan mengikut dan dikawal oleh undang-undang Malaysia, dan penyebutharga bersetuju tertakluk hanya kepada bidangkuasa Mahkamah Malaysia sahaja dalam apa-apa pertikaian atau perselisihan jua pun yang mungkin timbul mengenai sebutharga ini atau apa-apa kontrak yang timbul daripadanya.

10. INSURANS

Tiada apa-apa insurans atas barang-barang dalam perjalanan daripada negeri pembekal atau dalam Malaysia dikehendaki dimasukkan ke dalam sebutharga.

Barang-Barang Ex-Stok Atau Keluaran Malaysia

11. CUKAI

Harga yang ditawarkan adalah diertikan termasuk cukai jika berkenaan.

12. PEMBUNGKUSAN

Harga yang ditawarkan adalah diertikan termasuk belanja bungkusan dan belanja pembungkusan. Apa-apa kerugian atau kerosakan akibat bungkusan atau pembungkusan yang tidak mencukupi atau yang cacat hendaklah diganti oleh penjual.

13. PENGENALAN

Nama pembuat, jenama, nombor perniagaan atau nombor katalog dan negeri tempat asal barang-barang itu, jika berkenaan hendaklah ditunjukkan.

Barang-Barang Yang Dipesan Dari Luar Negara

14. CUKAI

Harga tawaran hendaklah diertikan sebagai termasuk cukai. Unsur-unsur cukai adalah dikehendaki ditunjukkan berasingan.

15. MATAWANG

Sebutharga hendaklah dinyatakan dalam Ringgit Malaysia (RM).

16. PEMBUNGKUSAN

16.1 Barang-barang hendaklah dibungkus dengan sesuai untuk dieksport ke Malaysia melainkan jika mengikut norma perdagangan barang-barang itu dieksport dengan tidak dibungkus.

16.2 Harga yang ditawarkan adalah diertikan sebagai termasuk belanja bungkusan dan belanja pembungkusan.

16.3 Apa-apa kerugian atau kerosakan akibat bungkusan atau pembungkusan yang tidak mencukupi atau cacat hendaklah diganti oleh penyebutharga.

PERINGATAN MENGENAI KESALAHAN RASUAH

Kepada :

Syarikat, Kontraktor, Perunding, Kakitangan UniKL dan mana-mana pihak yang berkaitan sebutbarga/tender ini. Rasuah merupakan satu kesalahan dalam undang-undang Malaysia. Oleh itu, semua pihak diingatkan supaya tidak melakukan perbuatan rasuah seperti berikut:-

1. Sebarang perbuatan atau percubaan rasuah untuk menawar atau memberi, meminta atau menerima apa-apa suapan secara rasuah kepada dan daripada mana-mana orang berkaitan perolehan ini merupakan suatu kesalahan jenayah di bawah Akta Suruhanjaya Pencegahan Rasuah Malaysia 2009 (Akta 694).
2. Sekiranya mana-mana pihak ada menawar atau memberi apa-apa suapan kepada mana-mana anggota kerja UniKL, maka pihak yang ditawarkan atau diberi suapan dikehendaki membuat aduan dengan segera ke pejabat Suruhanjaya Pencegahan Rasuah Malaysia atau balai polis yang berhampiran. Kegagalan berbuat demikian adalah merupakan suatu kesalahan di bawah Akta Suruhanjaya Pencegahan Rasuah Malaysia 2009 (Akta 694)
3. Tanpa prejudis kepada tindakan-tindakan lain, tindakan tatatertib terhadap anggota kerja UniKL dan menyenaraihitamkan kontraktor atau pembekal boleh diambil sekiranya pihak-pihak terlibat dengan kesalahan rasuah di bawah Akta Suruhanjaya Pencegahan Rasuah Malaysia 2009 (Akta 694)
4. Mana-mana kontraktor atau pembekal yang membuat tuntutan bayaran berkaitan perolehan ini walaupun tiada kerja dibuat atau tiada barangan dibekal mengikut spesifikasi yang ditetapkan atau tiada perkhidmatan diberi dan mana-mana anggota kerja UniKL yang mengesahkan tuntutan berkenaan adalah melakukan kesalan di bawah akta Akta Suruhanjaya Pencegahan Rasuah Malaysia 2009 (Akta 694)